


2022-mi ingerlariaqqiffiusumik ilinniakkat

2022-mi 251-inik amerlassusillit ingerlariaqqiffiusumik ilinniarnermik naammassinnissimapput

2022-mi ingerlariaqqiffiusumik ilinniarnermik naammassinnissimasut 251-inik amerlassuseqarput. Taakkunanga 71 pct.-it Kalaallit Nunaanni naammassinnissimapput.

Piffissaq sivisunerusoq isigalugu ingerlariaqqiffiusumik ilinniakkamik naammassisartut amerleriarujussuarput. 2006-imi naammassinnissimasut 99 pct.-imik qaffassimapput.


Titartagaq 1. 2006-imiit 2022-mut ingerlariaqqiffiusumik ilinniarnermik naammassinnissimasut nuna ilinniartit malillugu



Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

Ingerlariaqqiffiusumik ilinniagallit akornanni amerlanerpaat professions-bacheloritut ilinniagaqarput, ikittuinnaallu kandidatitut ilinniartit naammassisartut. Ineriartornerulli takutippaa kandidatitut naammassisartut amerlatsikkiartortut. 2022-mi kandidatitut ilinniarsimasut 32-upput, 2006-2022-mut sanilliullugu agguaqatigiissinnerini amerlanerupput piffissami tassani kandidatitut ukiumut agguaqatigiissillugu naammassisartut 27-iupput. Kandidatitut ilinniartut amerlanerpaartaat Kalaallit Nunaata avataani ilinniartarput.

Titartagaq 2. 2006-imiit 2022-mut ingerlariaqqiffiusumik ilinniarnermik naammassinnissimasut ilinniakkap suussusaa malillugu



Najoqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11D>).

Ilinniartut 29 pct.-ii nunani allani ilinniartuupput

2022-mi ilinniartut ingerlariaqqiffiusumik ilinniarnermik ingerlatsisut 1.214-iupput. Taakkunannga 826-t Kalaallit Nunaanni ilinniartuupput, 352-illu nunani allani ilinniartuullutik. 2006-imut sanilliullugu ilinniakkamik ingerlatsisut amerlassusaat 2022-mi 52 pct.-imik qaffasinnerupput. Kalaallit Nunaanni ingerlariaqqiffiusumik iliniakkanik ingerlatsisartut qaffariaataat anertunerpaavoq.

Kalaallit Nunaanni ingerlariaqqiffiusumik ilinniakkamik aallartitsisartut ikinnerusut

2015-imi ingerlariaqqiffiusumik ilinniakkamik aallartitsisimasut amerlanerpaasimapput, 2022-llu tungaanut 13 pct.-imik apparsimavoq. Ukiup ataatsip ingerlanerani Kalaallit Nunaanni ingerlariaqqiffiusumik ilinniakkamik aallartitsisimasut amerlassusaat 12 pct.-imik appariarsimavoq, nunanili allani aallartitsisimasut 45 pct.-imik qaffariarsimallutik.

Eqikkaaneq

Tabel 1. 2020-miit 2022-mut ingerlariaqqiffiusumik ilinniartut, ilinniakkap suussusaa, killiffik kiisalu nuna ilinniarfik malillugit

	2020		2021		2022	
	Kalaallit Nunaanni	Nunani allani	Kalaallit Nunaanni	Nunani allani	Kalaallit Nunaanni	Nunani allani
Ingerlariaqqiffiusumik ilinniakkat naatsut						
Aallartitsisimasut	69	35	65	32	85	42
Ingerlatsisut	112	60	109	48	125	59
Naamassinnissimasut	43	27	48	19	43	18
Professionsbachelorinngorniarneq						
Aallartitsisimasut	134	54	150	39	129	67
Ingerlatsisut	437	113	435	93	402	122
Naamassinnissimasut	80	27	98	21	91	11
Bachelorinngorniarneq						
Aallartitsisimasut	106	58	95	39	67	61
Ingerlatsisut	252	122	252	106	243	103
Naamassinnissimasut	30	17	32	23	31	25
Kandidatinngorniarneq						
Aallartitsisimasut	26	19	27	29	15	31
Ingerlatsisut	110	61	105	62	92	68
Naamassinnissimasut	19	21	13	22	12	20

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNISC11A>, <https://bank.stat.gl/UDNISC11B>, <https://bank.stat.gl/UDNISC11D>).

Periaaseq

Nalunaarsuutit tunngaviusut

Ilinniartitaanermut kisitsisitigut paasissutissani Ilinniagaqarnersiuteqartitsivimmit (USF) nalunaarsuutit tunngavineqarput. Nalunaarsuiffik ilinniakkanik ilinniagaqarnersiuteqarfigineqarsinnaasunik taamaallaat imaqarpoq. Kalaallit Nunaanni ilinniakkat qallunaanit ingerlanneqartut nalunaarsuutaat (politiinngorniarneq isertitsivinnilu nakkutilliisunngorniarneq) aammalu suliffeqarfii namminneq ilinniakkat ingerlataat nalunaarsuutini ilaangillat.

Periaaseq

Naatsorsueqqissaartarfiup naatsorsuutit atunnginnerini kisitsisit misissoqqissaarpai, nalilersorlugit aamma suliareqqillugit.

Ilinniarluni ulloq naammassiffik tunngavigalugu ilinniartunut nalunaarsuutit ukiut tamaasa ukiut kingulliit pingasut iluarsineqartarput. Siunissami ilinniarneq pillugu kisitsisitigut paasissutissat assigiiaarnerunissaat aamma ilinniartunut nalunaarsuutit kingumoortumik iluarsineqartarnissaat eqqarsaatiagalugu taamatut suleriuseqartoqarpoq.

Naatsorsuineq

Ukiumut ataasiarluni ilinniartitaanermut kisitsisitigut paasissutissat suliareqartarput. Ilinniakkamilli ingerlatsisunut ulloq 31/12 naatsorsuutini malinneqartarpoq.

Ilinniartitaanermut paasissutissani ilinniakkamut ingerlatsineq uuttuutitut atorneqarpoq. Ilinniakkamik ingerlatsinerit amerlassusaat inuillu amerlassusaat assigiinngillat. Assersuutigalugu ukiup ataatsip ingerlanerani ilinniar-toq ilinniakkamik aallartitsisinnaavoq, aallartitaluarnilu unitsillugu ukiullu ingerlanerani ilinniakkamik allamik allartitseqqilluni. Taamaasilluni aallartit-sisimasutut marloriarluni naatsorsuutini ilaassaaq. Ilinniakkanik ingerlat-sinerit inuillu amerlassusaat assigiissinnaapput aatsaat ilinniartunik ingerlat-sisunik naatsorsuinermi.

Ilinniartitaanermut kisitsisit paasissutissaat ilinniakkanik aallartitsisimasunik, ingerlatsisunik naammassinnissimasunillu imaqarput, ilinniakkap qaffasis-susaa, suaassuseq ukiullu malillugit immikkoortiterneqarsimasunik. Kisit-sisillu immikkoortiterneqarput:

- Ilinniakkamik ingerlatsineq, nuna ilinniakkamik ingerlatsivik malillugu
- Kalaallit Nunaanni ilinniakkamik ingerlatsineq, ilinniarfik ilinniagarlu malillugit

Naatsorsueqqissaartarfiup ilinniartitaanermut kisitsisitigut paasissutissiaani UNESCO-p nunat tamalaat akornanni malittarisassaa ISCED2011-mik taa-neqartoq malinneqarpoq. Taassuma saniatigut Naatsorsueqqissaartarfik Ka-laallit Nunaanni ilinniakkat, ilinniakkap qaffasissusaa malillugu, immik-koortiternerat takussutissiaraa. Taaguutit takussutissiarlu bank.stat.gl-imi Ilinniartitaanermut tunngasut ataanni nassaarineqarsinnaavoq.

Ilisarnaatinut nassuiaatit
... Paasissutissat pigineqanngillat
.. Paasissutissat tatiginanngitsut ilisarinnilersitsisinnaasulluunniit
. Kisitsisitaqarsinnaanngitsut
0 Affaanit mikinerusut
- Nul
* Kisitsisaagallartut imaluunniit missingersuut

Saaffiginniffissaq
Samo Nielsen
E-mail: snie@stat.gl
Ilinniartitaaneq

Naatsorsueqqissaartarfik
Postboks 1025 · 3900 Nuuk
Oqar.: +299 34 57 70
www.stat.gl · e-mail: stat@stat.gl

